



Broj: 09-20/1-11-2-1989  
Sarajevo, 18.10.2022. godine

Na osnovu člana 43. a u vezi člana 45. stav 2. Zakona o unutrašnjim poslovima Federacije Bosne i Hercegovina („Službene novine Federacije BiH“ broj: 81/14), člana 70. Zakona o javnim nabavkama BiH („Službeni glasnik BiH“ broj:39/14) i preporuke Komisije za provođenje konkurentskih i pregovaračkih postupaka nabavki u 2022. godini, zamjenik direktora Federalne uprave policije d o n o s i

**O D L U K U**  
**o izboru najpovoljnijeg ponuđača za javnu nabavku „Nabavka laboratorijske opreme“ – LOT 5**

**I**

Prihvata se prijedlog Komisije za provođenje konkurentskih i pregovaračkih postupaka nabavke, u postupku javne nabavke „Nabavka labaratorijske opreme“ za LOT 5 (Stolni pH metar), te se ugovor dodjeljuje ponuđaču „Emeding“ d.o.o. Sarajevo čija cijena ponude iznosi 1.210,00 KM bez PDV-a, odnosno 1.415,70 KM sa PDV-om.

**II**

Za izvršenje Odluke zadužuje se Sektor za materijalno- finansijske poslove.

**III**

Ova Odluka objaviće se na internet stranici Federalne uprave policije istovremeno s upućivanjem iste ponuđačima koji su učestvovali u postupku nabavke, u skladu sa članom 70. stav (6) Zakona o javnim nabavkama.

**IV**

Ova Odluka stupa na snagu danom donošenja.

**V**

Odabrani ponuđač dužan je u roku od pet (5) dana, od dana zaprimanja Odluke, Ugovornom organu dostaviti dokumente iz člana 45. ZJN, u skladu sa tačkom 2. tenderske dokumentacije.

**O B R A Z L O Ž E N J E**

Federalna uprava policije je provela konkurentski postupak javne nabavke „Nabavka laboratorijske opreme“, broj Obavještenja o javnoj nabavci: 1412-7-1-186-3-97/22 godine od 16.08.2022. godine.

Javna nabavka je provedena putem konkurentskog zahtjeva za dostavu ponuda.

Procjenjena vrijednost nabavke iznosi 1.709,40 KM bez PDV-a.

Postupak je provela Komisija za provođenje konkurentskih i pregovaračkih postupaka nabavki u 2022. godini, imenovana Rješenjem direktora Federalne uprave policije broj: 09-19/1-30-2-46 od 14.01.2022. godine.

U postupku je utvrđeno da je Komisija u svemu pravilno postupila, te da je preporuka o izboru najpovoljnijeg ponuđača, data u skladu sa Zakonom o javnim nabavkama i tenderskom dokumentacijom.

Također, na osnovu Zapisnika o ocjeni i pregledu ponuda utvrđeno je da je Komisija blagovremeno i pravilno izvršila otvaranje ponude i ocjenu kvalifikovanosti ponuđača, a o čemu je sačinila odgovorajuće zapisnike, u kojima je utvrđeno slijedeće:

- da su za LOT 5 zaprimljene 4 (četiri) ponude, koje su ujedno i blagovremene, i to ponuđača: „Emeding“ d.o.o. Sarajevo, „Helia“ d.o.o. Sarajevo, „Analitika“ d.o.o. Sarajevo i „MPS LAB“ d.o.o. Sarajevo,
- da nije bilo neblagovremeno zaprimljenih ponuda;
- da je Komisija konstatovala da su ponude ponuđača „Emeding“ d.o.o. Sarajevo Helia“ d.o.o. Sarajevo i „Analitika“ d.o.o. Sarajevo formalno-pravno ispravne, te da iste ispunjavaju sve tražene uslove iz tenderske dokumentacije (od strane stručnih lica imenovanih na inicijativu Komisije za ocjenu tehničkog dijela ponude pismeno konstantovano da je tehnički dio ponude u skladu sa zahtjevanim tehničkim karakteristikama tenderske dokumentacije),
- da je Komisija konstatovala da ponuda ponuđača: „MPS LAB“ d.o.o. Sarajevo formalno-pravno nije ispravna iz sljedećih razloga:
  - ponuđač „MPS LAB“ d.o.o. Sarajevo u svojoj ponudi dostavio je popunjen i potpisan obrazac Anex II - Obrazac za cijenu ponude, dok je propustio ovjeriti isti svojim pečatom, a što je jasno definisano u Tenderskoj dokumentaciji i to u tački 1.6. Količina i karakteristike predmeta nabavke, a koji glasi „*Za ugovorni organ jedina prihvatljiva ponuda je popunjena i ovjerena ponuda sa obrasca za cijenu ponude – robe koja čini sastavni dio tendetske dokumentacije*“. Uvažavajući navedeno, ponuđač „MPS LAB“ d.o.o. Sarajevo nije zadovoljio formalno – pravne uslove propisane tenderskom dokumentacijom za LOT 5,
- da je Komisija u svrhu provođenja postupka e-Aukcije, dana 07.10.2022. godine, dostavila Sektoru za materijalno- finansijske poslove listu prihvatljivih ponuda,
- da je Komisija zaprimila akt sa Izvještajem o toku i završetku e-Aukcije broj: 1412-7-1-186/22 od 13.10.2022. godine, u kojem je navedeno da je napovoljniji ponuđač u predmetnom postupku javne nabavke, . „Emeding“ d.o.o. Sarajevo, čija cijena ponude iznosi 1.210,00 KM bez PDV-a, odnosno 1.415,70 KM sa PDV-om, nakon čega je Komisija, u skladu sa kriterijumom za dodjelu ugovora u konkretnom postupku nabavke - najniža cijena, dala preporuku o izboru najpovoljnijeg ponuđača.

Iz navedenih razloga odlučeno je kao u dispozitivu ove Odluke.

**Pravna pouka:**

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od pet (5) dana od dana prijema ove Odluke.

  
**ZAMJENIK DIREKTORA**  
**Generalni inspektor policije**  
**Ensad Korman**

**Dostaviti:**

- Sektor za mat. fin. poslove
- ponuđačima
- u spis